



COMUNU DE SESTU TZITADI METROPOLITANA DE CASTEDDU



“NATALE INSIEME – PASCHIXEDDA IMPARI – SESTU 2020. LUXI IN SU TEMPUS DE SU COVID-19” – CUNCURSU “COLORIAMO LE NOSTRE CASE E LE VETRINE – COLORAUS IS DOMUS NOSTAS E IS VETRINAS” PO PRIVAUS E CUMERTZIANZIS.

S’Aministratzioni Comunali e s’Assotziatzioni Turistica Pro Loco de Sestu oragnizant su cuncursu “Coloriamo le nostre case e le vetrine – coloraus is domus nostas e is vetrinas” po realizai un’ària de Paschixeda cun sa populatzioni chi est parti ativa de s’initziativa. Su cuncursu est pratziu in duas setzionis:

- Operadoris cumertzialis: po totus is butegheris chi traballant in su territòriu comunali;
- Tzitadinus privaus: po totus is tzitadinus residentis in su Comune de Sestu. Podint pigai parti fintzas is minoris cun su permissu de su babbu o sa mamma o unu turori legali.

Is vetrinas e is domus privadas depint èssiri paraus a festa cun cuncordus e ornamentus a tema de Paschixedda, fintzas cun decoratzionis de froris, presèpius, sìmbolus de custas festas e dònna rapresentatzini artistica chi tenit cumentis argumentu sa Paschixedda.



COMUNU DE SESTU TZITADI METROPOLITANA DE CASTEDDU

Si podit imperai dònna arratza de materiali, s'importanti est chi no siant perigulosus. Totu is cuncordus depint èssiri espònnius e chi si potzant biri fintzas a su 09 de Gennàrgiu 2021.

S'iscritzioni a su cuncursu si fait cun su mollu de adesioni allegau asuta o chi podeis agatai in su Comunu in bia Scipione, 1.

Is dimandas si depint presentari aintru is **13:30 de su 23 de su mesi de Idas 2020**. Chi benint fatas dimandas pustis custa scadèntzia, no ant a èssiri pigadas in cunsideru.

Cun s'iscritzioni a su cuncursu si supònit de connòsciri e acetai su regulamentu.

Si pigat parti a su cuncursu a manera libera e a indonu.

Is primus classificaus po dònna setzioni ant a arritziri un tablet.

At a èssiri in prus cunsenniada una targa a is primus tres classificaus po dònna setzioni e una pergamena a totu si chi ant pigau parti.

Totu is informus si podint agatai in su regulamentu cumpletu.



<https://www.comune.sestu.ca.it/index.php/2020/12/09/natale-insieme-sestu-2020-luce-ai-tempi-del-covid-19-concorso-coloriamo-le-nostre-case-e-le- vetrine-per-privati-e-commercianti/>